


www.BibleForChildren.org

Son 14



Yesuuk kaalak yal menak epël yenia. "Ar ya ngës
ëëngan. Anutuun kön wi kosang wesak neenta kön wi
kosang newasën. Pöt tol ëënak? Nem Pepapë kak kaat
kësang wia. Pötaanök ne wet rëak pörek së arimëën
ur nant kopëta wes ulmëëmaan."



"Pël naën wieëanëën ne wet rëak ngön pipët arën ök
neniaan ëan tapön. Pël ëa pötaanök ne pörek së arim
uröt kopëta wes ulmäak ar neering önëën kaalak
wais nikoirumaat."



Ne Son, arim karip, tiar Yesuring yal menak wëen
Anutuuk wa ngaöök nimëen këlangön kat
wieimeë kosang sak wë. Nem Anutuu


ngönte ök neeaöre Yesu Kristoë omnant
tekeri wes nenautön ök



yaautaan kööre
toköröak Patmos
kustak neuläaut.




Pël yenëaan taptakëer Anutuu Ngëëngk Pulö pim
weëre kosangöök nem naë oröön itaangkën
kutömweri Aköpë ur nent wiaan Anutu pötak wel
aisëëä.




Pël yaan ne kat wiin omnant pout Anutu pim mor ket
ëa, kutömweriaan yangerkë, i kaöökaan yangra
ikanöökë, pötök ngönaak aö yesën
ne kat wiin epël ya. "Anutu pim
omp ak urtak wel aisëeaupre
Sëpsëp Ruup piaripön yöore
ërëpre yaya maimeë ping wesak
mäak weëre
kosangöt
piarpim naë
wia kët ëlötë
pël maim
öpa."



Pël eën ka kësang ngëëngk Yerusalem ngolöpöön itenaut. Ka ngolöp pö Anutuu naë kutömweriaan yeiraan itenaut. Pö ë rangi ompyaö panë nant ëak wëa. Pöt öng namp pim omp yaö ëak wëaup öpënëak ë rangiak wë pöl ëak yeira.



Pël ëën ne kat wiaan omp ak urta naëaan ngön ëak epël ya. "Kat wieë. Anutu pi pim omnaröa tektrak wë. Pi pitring wëën pit pim omën sak öpnaarö. Ën Anutu pimtok pitëm naë wë pitëm Aköp pël sak wakaim öpnaat."



Ensel pöpök kaalak ka pöök i omnaröa kol mangkän
nak wëwë kosangta yaö yesa pömerën pet elnëen
itenaut. I pömer könit ket ëak ëwaëwa yaaumer
Anuture Sëpsëp Ruupë omp ak urtakaan oröak
yesaumer.



Ka pöök kètre ngoon ëwa naö naëpan, won. Anutuu
ëwaöök së elën Sëpsëp Ruup es rampewesi ök ket
ëak ëwa ëën ka pöök ëwa tëak wia.




Pël eëpnaatak omën
wëwë utpet ke
nentere nent yaautre
kômkëênringöt
yaautre kaar yaaut
pangk wak ka pöökë
öngpök nasëpan, won.
Om Sëpsëp Ruupë
yapinöt wëwë
kosangta pepeweri
retëng ëa pöröakëër
ka kësang pöökë
öngpök sëpnaarö.




“Pël äak puuk pitëm ing telapöt
tum mokorön ërëpërëp
ëëpnaat. Pöt pit kaalak wel
wiire ën kön utpetaring wë,
ingre ya ilak aöre këlangön kat
wi pël naën ëëpnaat. Omnant
ngaan wiakaima pöt pout won sa
pötaanök.”



Omnant pout Anutuuk won wiaapënëak kön wiaut ka pöök wi naöpan. Om Anuture Sëpsëp Ruupë omp ak uröt ka kësang pöök wiaan Anutuu inëen ruurö piin yaya maim öpnaat. Omën pörö pim kääre wot kanten itaampnaat. Pël yaëen pim yapinte pitëm ë kosatë wiaapnaat.




Pël yaëën itaangkën omën wel wiaurö kotre kaö omp
ak urtak wel aisëëä pöpë ëöetak taueëä. Pël ëën pep
nant yawil. Pël ëäk newer yawil. Pöwer wëwë
kosangta pepewer. Pël ëäk puuk omën wel wiaurö
pitëm wëwëatë songönöt pep pötë iteneë
wël yaalmë. Anutuuk itaangkën omën
namp pim yapinte wëwë kosangta
pepeweri won ëën pöt
wak öngöp kësang i
kaöökë ököök es
yokota pöwesi
yemoola.



Pulööre Sëpsëp Ruupë öng yaup piaripök, "Ni wais,"
pël ya. Pël één omën namp ngön pipët kat wiak pöt
puukta, "Ni wais," pël ap. Yaap omën namp iiten
yaëën pöt waisëp. Pi i omnarö kol mangkën nak wëwë
kosangta yaö yesa pöt nëmpënëak kent yaëën pöt

nëmp. I
pöt sum
won,

yaap
nëmpnaat.



Anutu pi yangerak omnarö lup sant
elniak pim Ru kopëtap wes nemëen
irëaut. Pötaanök narö ar neen kön wi
kosang newasënëerö kö nasëngan,
wëwë kosangtak öneerö.



Rom 3:23

Tiar pourö utpet äak Anutu pim ompyaö öpenäak niia pöl
naön yaaurö.

Rom 6:23

Pöt arim utpetatë inëen yaauta kang pöt wel koirënëet.
Ën Anutu pim kësangën yaalni pöta këet Yesu Kristook
yal menak wëwë kosangët koirënëet.

Ipru 9:27

Anutuuk omën pourö akun kopëtet wel wiipenäak niiaurö.
Pël äak pöta rangk pim naë ngön yaatak orööpenäak niia.



Epesas 2:8,9

Pöt pi komre kolap yaalniem arim Kristoon kön wi kosang yewesautaan utpetetakaan niwa. Pöt arimtok yok pangk naën äan tapön. Anutuuk yaap elnia. Ar Anutuuk pël elniipënëak ya ompyaö nent namëngkën äaurö. Pötaanök arimtën ing ti wak angan.

Rom 10:9,10

Arim këmötëaan, "Yesu tenim Aköp," pël ök yeem lupötök Anutuuk Yesu weletakaan wal ë ulmëa pöt kön wi kosang wasënë pöt Anutuuk utpetetakaan kama niöpnaat. Pöt tiarim lupötök Yesuun kön wi kosang yewasën Anutuuk wotpil niwasëpnaat pötaanök.

Këmötök, "Pi tenim Aköp," pël yaan utpetetakaan kama niöpnaat.



Son 3:16,17

Anutu pi yangerak omnarö lup sant elniak pim Ru kopëtap wes nemëen irëaut. Pötaanök narö ar neen kön wi kosang newasënëerö kö nasëngan, wëwë kosangtak önëerö. Ruup ne ngön ë pet yairauröa yaë pöl elniimëak won, omnarö utpetetakaan kama niömëak Anutuuk wes nemëen irëaut.

1 Son 5:11-13

Wëwë kosangta ngön këet Anutu pim ök yenia epët. Pi wëwë kosangët ninaut. Ën wëwë kosangta pep pöp pim Ruup. Omën Ruupë naë rë olëak wë pipop pi wëwëetak wë. Ën namp Anutuu Ruupë naë rë olëak naön yaë pipop pi wëwëetak naön yaë. Ar Anutuu Ruupön kön wi kosang yewas pöröak wëwë kosangtak wë pöten ëwat sënëak ngön epët retëng ë yaningk.



Son 14; 2 Korin 5; Ĕnĕma Ngönte 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Weri NT (wer) © 1984, Wycliffe Bible Translators, Inc.
All rights reserved.

<https://live.bible.is/bible/WERWBT/MAT/1>

©2025 Bible for Children, Inc.

www.M1914.org

www.bibleforchildren.org

